

續資治通鑑長編
(136冊)



續資治通鑑長編卷三百六

宋 李燾 撰

神宗

元豐三年秋七月癸亥內殿承制王舜封管押醫藥使
高麗回以爲閤門通事舍人勾當御前忠佐軍頭引見
司醫官等轉資錫金服有差

甲子詔廣武雄武上下埽雖據地形保無疎虞然方今
霖潦不測河流湍怒之際須賴諳知水勢之人主領處
畫則措置不謬免朝廷憂可速遣外都水監丞陳祐甫
往相視 詔權發遣提點河北西路刑獄太常博士杜
常權發遣提點秦鳳等路刑獄兼提舉義勇保甲代太
常博士李深徙深權發遣提點淮南東路刑獄以上批

深倔彊自任議多齟齬於訓兵法度不能曉知而排沮同僚必使從己若不早圖改命到官定致譴張故也

乙丑詔資政殿學士呂惠卿丁母憂俸外特給錢五十

緡五月二十七日云云詔諸路教閱禁卒毋得過兩時以秦鳳

路走馬承受蘇賁言有拘留數日不得休息故也或已見當

檢

丙寅詔禮院官各贖銅有差以慈聖光獻神主耐廟失

報少府監排辦故也賜米三萬石開蘇杭州運河淺

澱上批早進呈審官東西三班院爲本係尙書省職

事只令用公牒往還緣司農寺羣牧司亦皆六曹職事

今乃獨許三處不用近降指揮若非朝廷特委隨見令

主判爲廢已行之令則取此捨彼殊失均直之道未知

所以先是有旨審官三班院於吏部皆用申狀中書以爲不當申只當用牒後再進呈審官三班院司農寺羣牧司等皆用申狀入內省言寄左藏庫副使勾當御藥院梁從政合磨勘詔從政係隨龍特遣西京左藏庫使依舊密記五日事知邕州左藏庫副使兼閤門通事舍人劉初乞借度僧牒二百收息置公使器用其本錢市金輸內藏庫從之朱本只於此月九日庚午特書以廣西撫都監劉初知邕州兼本路鈐轄

按墨本此月六日丁卯初知邕州矣

戊辰詔雄武廣武上下埽役兵方盛暑晝夜卽工可與特支錢賜部役官夏藥上批鄜延路偵西賊欲選騎兵蹂綏德田可速下經略司精審覘候如得其實令所屬將副選漢蕃兵擇要地設伏伺其侵入痛掩殺之

庚午命岐王顯為明堂亞獻嘉王頹為終獻梓州轉

運使太常少卿劉忱徙利州路夔州路轉運副使屯田

員外郎董鉞徙梓州路忱條奏調發乖方故罷歸故官

而以鉞代之又以殿中丞苗時中權發遣梓州路轉運

副使條奏調發不當據平蠻錄御集七月二十五日云梓州轉運司近奏科夫事朝廷已見乖方劉忱雖

即罷去程之才乃仍在職都水監言澶州孫村陳埽

及大吳小吳埽河決此據朱本舊紀及新紀並書河決澶州孫村明年四月乙酉乃書決

小吳埽

壬申熙河路走馬承受公事樂士宣言鬼章以蕃字與

知河州劉昌祚云我言勿興土功乃更修岷州城我欲

往岷州理會及聞鬼章大集兵馬未知所向上批宜令

經略司具析鬼章書既無理且不遜何以不奏仍即詣

其侵越生事及募人往伺虛實嚴責並邊城寨日夕備
之權知都水監蘇液言奉朝旨照管固護澶州埽岸
見往相視上批上件決口雖轉隄漫水若遷延不塞萬
一河道變移亦可轉爲巨患宜下外監丞司速修閉
癸酉詔應在京置局編修文書官司可槩指揮催促結
絕所主官具析書成年月日以聞中書詳酌準事繁簡
人力多寡隨宜裁度梓州路提點刑獄盛南仲乞下
江安縣招誘斗篷夷令與敢勇人程舜元等謀斬乞弟
他夷盡可除蕩詔委南仲如獲乞弟首白身人除遙郡
刺史有官者比類增賞及賜銀絹五千斗篷夷如委向
順意欲與官軍協力卽俟大軍進討關報韓存寶毋得
一例除蕩

甲戌詔中書朕惟皇以道帝以德王以業各因時制名
用配其實何必加崇稱號以自飾哉秦漢以來尊天子
曰皇帝其亦至矣朕承祖宗之休宅士民之上凡虛文
繁禮悉已革去而近百司羣辟猶或時以稱號見請雖
出於歸美報上之忠然非朕所以若稽先王之意自今
每遇大禮罷禮部上尊號

兩紀並書

入內東頭供奉官瀘

州勾當公事韓永式言聞利路雨水溪江泛漲漂流民
田物價增長民未安居乞下本路轉運并提舉司賑濟
詔提舉司依條施行韓永式不當以劄子奏事特釋罪
詳定禮文所言鹵簿所用二十八宿五星攝提旗有
司乃取方士之說繪爲人形於禮無據伏請改製各著
其象以則天文從之又言郊特牲曰獻命庫四之內戒

百官也太廟之命戒百姓也說者曰百姓王之親也今
誓百官於尙書省誓宗室於中書省於禮無據伏請戒
百官於朝堂戒宗室於太廟從之又言祭祀時刻今參
酌秋夏卽用丑時一刻春冬卽用丑時七刻行事至明
皆十五刻庶合舊禮不至迫遽從之

詳定所依奏在三年八月二十三日

今附誓戒後

上批府界諸路將下闕禁軍數萬不少朝廷

雖累經招揀終未足數可遍降指揮早令敷額庶緩急
調發不誤驅策 詔前永興軍等路察訪使李承之前
知司農寺丞莊公岳前提舉常平倉沈披蔡朦轉運判
官章棗楊蟠各展磨勘三年提點刑獄李南公轉運使
趙瞻展二年前轉運使張詵楚建中各贖銅二十斤坐
保明修永興洪口不當也 經制熙河財用司奏自元

豐元年次第推行至今已及一年具到所收息數以聞
上批可速比附茶場司近例計課入多寡優與推賞庶
事初鼓激當職官悉力經營資助大費經久不煩朝廷
供億遂下保明其實仍詔轉運使王欽臣驅磨以聞
乙亥詔澶州大名府被河水渰溺闕食戶大人日給米
一升小兒半升卽流移逐熟經過河渡若將帶隨行物
其稅渡錢聽免收一季 又詔支成都府路常平米十
萬石梓州路常平錢五萬貫差雇水陸運至韓存寶軍
前 詳定禮文所言看詳鹵簿記公卿奉引第一開封
令乘輜車次開封牧乘革車隼旗次太常卿乘革車鳳
旗次司徒乘革車瑞馬旗次御史大夫乘革車獬豸旗
次兵部尙書乘革車虎旗以臣等考之皆爲非是謹案

周禮巾車職曰孤乘夏篆卿乘夏纁大夫乘墨車司常
職曰孤卿建旃大夫建物儀禮覲禮曰侯氏乘墨車載
龍旗則令五品秩比大夫當乘墨車而建物牧比諸侯
當乘墨車而建旗太常卿古春官卿當乘夏纁而建旗
司徒今三公當乘夏篆而建旃御史大夫三品秩比卿
兵部尙書古夏官卿皆當乘夏纁而建旃伏請公卿以
下奉引先開封令奉引乘墨車建物次開封牧奉引乘
墨車建旗次太常卿奉引乘夏纁建旃次司徒奉引乘
夏篆建旃次御史大夫奉引乘夏纁建旃次兵部尙書
奉引乘夏纁建旃所以參備周禮九旗之制貼黃稱禮
經不著三公所乘車所建旗又偏駕不入王門諸侯朝
乘墨車今約孤乘夏篆建旃之文定司徒之制從之仍

令疾速講求車旃物制度以聞三年七月十四日乙亥依奏又言謹

按周禮戎右職曰會同充革車儀禮曰貳車畢乘禮記

曰乘車不敢曠左左必式蓋古之人君後車餘路不敢

曠空必使人乘之所以別曠左之嫌也詩曰命彼後車

謂之載之是也自秦兼九國車服西漢因之大駕屬車

八十一乘故東漢志曰屬車八十一乘尚書御史所載

又揚雄曰鴟夷國器託於屬車張衡曰屬車之造載獫

狁獠匪惟玩好乃有祕書則是漢之屬車非獨載人又

以載物亦儀禮所謂畢乘之義也本朝鹵簿屬車十二

乘在法駕之後空而不乘實近曠左之嫌皆不合禮制

伏請車屬十二乘以尚書御史乘之或以載乘輿服御

已具奏聞訖禮文無月日今附此其從違當考

丁丑上批河北水災闕食之民可寄招內外見闕諸軍

宜就選委官速施行

詔自今郊廟罷設黃道褥

新舊紀並

著此蓋因實錄也元年十一月三日已有詔今兩存之

詔河北提刑司劾河決

當職官以聞

詳定禮文所言明堂儀注設御位於中

階下之東南西嚮臣等謹案古者人君臨祭立於阼其
臨祭就位於阼階下大夫士禮也自曹魏以來有司失
之伏請設皇帝版位於阼階之上西嚮太廟景靈宮亦
如之從之

戊寅詔經制瀘州蠻賊韓存寶所將涇原路弓箭手可
月給其家十將以下至長行錢一千副兵馬使以上二
千都虞候以上三千以知熙州苗授同經制熙河邊防
財用 荆湖南路轉運副使朱初平爲瓊管體量安撫

權提舉廣南西路常平等事劉誼同體量安撫

八月辛卯豐稷

有言或移入此

詔應歸明人官給田而作料次催科者荒地

免二十料熟地半之

御史中丞李定言朝廷凡有差

除法禁傳泄苟有不當御史無得而言乞委封駁司

日關報

大理寺言自今取勘官吏止緣公事稽失杖

以下吏人乞斷罪如法命官案後收理卽官司不以時

讞雖遇赦勿原並從之

已卯同管勾經制熙河路邊防財用祕書丞胡宗哲兼

管勾新置監牧及給散蕃部馬種事從都大經制熙河

路邊防財用司所奏也

密記有此王君萬卒於五月胡宗哲或是代君萬也

壬午上批知秦州羅拯自春以來頻在病假形體癯瘠

精力耗昏邊務浩繁慮難倚辦可下轉運司體量以聞

拯尋卒於秦州

拯卒在八月一日今并書

詔賜修開大小吳埽役

兵特支錢有差

又詔修上下愜山口役夫計所役日

免來年春夫外更減五分

癸未上批諸將奏到所見可並送承旨司如見行敕文

未該載理有可取者其著爲令權發遣鹽鐵判官太

常博士直龍圖閣韓宗彥爲右正言寶文閣待制知瀛

州是夜彗出西北太微垣郎位南在軫

新舊紀並書彗出太微垣天文

志云占者以爲主京城有兵變於是修京城置樓櫓保

戶養馬者促其期限督訓保甲除軍器以備之史官所

前矣今不取甲申御史王祖道言前知湖州陳侂昨慈聖光獻太后

遺詔後侂赴任至蘇州卽令女伎佐酒於本路自首侂

之學術紕繆行檢鄙惡眾所其聞使之出守方州已不

足率厲民俗況遺誥所至未久閭巷小民莫不痛心而
侗安於爲之臣竊謂侗於法雖許首免而臣子之義何
以處此望特案治詔提點兩浙路刑獄孫昌齡體量昌
齡言侗實令女伎佐酒以遺誥釋服無作樂之禁故不
加罪

丙戌詔以星變自今月戊子避正殿減常膳中外臣僚
並許直言朝政闕失

兩記並書詔語

時術者謂當有兵變上

命宦者察衛士飲食御史中丞李定亟入言一飯不足

以示恩適動小人之心耳遂罷之復有議罷明堂者上

以訪定定曰三歲一郊祀明堂祖宗以來未之有改不

知誰爲此言願得効其繆妄上曰聽卿言足矣

此詔求直言不

知復有何人應詔直言當考劉摯作王拱辰行狀云云亦常談耳今不取

知制誥王安禮

言和氣致祥乖氣致沴意者執政大臣是非好惡不遵
諸道乘權射利者不察主上惠養元元之意用力殫於
溝瘠取利究於園夫殆有以召星變臣願陛下省不急
之改作紓弗勝之工力至於祈禳小數貶損舊意恐非
應天以實者上覽疏嘉歎他日進對上曰王珪欲使卿
條具所以朕嘗謂左右大臣宣導下情以達於上不應
沮格人言以壅障人主今以一指蔽目雖秦華在前不
之見也近習之蔽其君何以異此朕今信卿卿亦當自
信第三言之毋憚 上批東南諸路團結諸軍初未嘗遣
使按閱可差西京左藏庫使勾當軍頭司李詵內侍押
班石得一依張山甫按閱京西諸將條列施行 詔梓
州路轉運司應供軍之物並從官給或和買毋輒配率